

“RO’YXATDAN O’TKAZILGAN”

O‘zbekiston Respublikasi Adliya
vazirligi huzuridagi Davlat xizmatlari
agentligi tomonidan

2023 yil «22» dekabr dagi
2340444 son reestr raqami bilan



“TASDIQLANGAN”

«Talimarjon issiqlik elektr stansiyasi»
aksiyadorlik jamiyati barcha ovoz
beruvchi aksiyalar egasi – “Issiqlik elektr
stansiyalari” aksiyadorlik jamiyatining

2023 yil «11» dekabr dagi
9/2023-sonli qarori



«TALIMARJON ISSIQLIK ELEKTR STANSIYASI» AKSIYADORLIK JAMIYATI USTAVI

Nuriston shaharchasi 2023 yil.

I. UMUMIY QOIDALAR.

1.1. Ushbu Ustav O'zbekiston Respublikasining "Aksiyadorlik jamiyatlari va aksiyadorlarning huquqlarini himoya qilish to'g'risida"gi "Qimmatli qog'ozlar bozori to'g'risida"gi Qonunlari, "Elektr energetikasi to'g'risida"gi Qonunlari va boshqa qonun hujjatlari asosida ishlab chiqilgan.

1.2. "Talimarjon issiqlik elektr stansiyasi" aksiyadorlik jamiyati (keyingi o'rinlarda "Jamiyat" deb yuritiladi) O'zbekiston Respublikasi Prezidentining 2019 yil 27 martdagi PQ-4249-sonli "O'zbekiston Respublikasida elektr energetika tarmog'ini yanada rivojlantirish va isloh qilish strategiyasi to'g'risida"gi qarori asosida tashkil etilgan.

1.3. Jamiyatning nomi:

1.3.1. O'zbek tilida:

to'liq nomi: «**Talimarjon issiqlik elektr stansiyasi**» aksiyadorlik jamiyati;

qisqartirilgan nomi: «**Talimarjon IES**» AJ;

1.3.2. Rus tilida:

to'liq nomi: **Акционерное общество «Талимарджанская тепловая электростанция».**

qisqartirilgan nomi: **АО «Талимарджанская ТЭС».**

1.3.3. Ingliz tilida:

to'liq nomi: **Joint Stock Company «Talimarjon thermal power plants».**

qisqartirilgan nomi: **JSC «Talimarjon TPP».**

1.4. Jamiyatning pochta manzili va joylashgan joyi: 181107, O'zbekiston Respublikasi, Qashqadaryo viloyati, Nishon tumani, Nuriston shaharchasi.

1.5. Jamiyatning elektron pochta manzili: taltes@tpp.uz talimarjonies@exat.uz

1.6. Jamiyatning rasmiy veb-sayti: www.taltes.uz.

1.7. Jamiyat O'zbekiston Respublikasi Prezidentining 2019 yil 27 martdagi PQ-4249-sonli "O'zbekiston Respublikasida elektr energetika tarmog'ini yanada rivojlantirish va isloh qilish strategiyasi to'g'risida"gi Qaroriga asosan yagona ta'sischi bo'lgan "Issiqlik elektr stansiyalari" AJning 2019 yil 29 avgustdagi "Talimarjon issiqlik elektr stansiyasi" AJni ta'sis etish to'g'risidagi 1-sonli qaroriga asosan "Talimarjon issiqlik elektr stansiyasi" unitar korxonasi negizida qayta ta'sis etilgan. "Talimarjon issiqlik elektr stansiyasi" aksiyadorlik jamiyati barcha huquq va majburiyatlar bo'yicha "Talimarjon issiqlik elektr stansiyasi" unitar korxonasining huquqiy vorisi hisoblanadi.

1.8. Jamiyat o'z faoliyatini O'zbekiston Respublikasining qonunlariga va O'zbekiston Respublikasi Oliy Majlisining qarorlariga, O'zbekiston Respublikasi Prezidentining farmonlari, qarorlari va farmoyishlariga, O'zbekiston Respublikasi Vazirlar Mahkamasining qarorlari va farmoyishlariga, "Aksiyadorlik jamiyatlari va aksiyadorlarning huquqlarini himoya qilish to'g'risida" gi Qonuni hamda boshqa normativ-huquqiy va umum majburiy tushadigan me'yoriy hujjatlarga va mazkur Ustavga muvofiq olib boradi.

1.9. Jamiyat yuridik shaxs bo'lib, u o'z mustaqil balansida hisobga olinadigan alohida mol-mulkka, shu jumladan o'zining ustav fondiga (ustav kapitaliga) berilgan mol-mulkka ega bo'ladi, o'z nomidan mulkiy va shaxsiy nomulkiy huquqlarni olishi hamda amalga oshirishi, zimmasiga majburiyatlar olishi, sudda da'vogar va javobgar bo'lishi mumkin.

1.10. Jamiyat davlat ro'yxatidan o'tkazilgan vaqtdan e'tiboran yuridik shaxs maqomiga ega bo'ladi. Jamiyat faoliyat ko'rsatish muddati cheklanmagan holda tashkil etiladi.

1.11. Jamiyat O'zbekiston Respublikasi hududida va undan tashqarida bank hisobvaraqlari ochishga haqlidir.

1.12. Jamiyat o'zining nomi yozilgan shtamp va blankalarga, o'z timsoliga, shuningdek belgilangan tartibda ro'yxatdan o'tqazilgan tovar belgisiga hamda fuqarolik muomalasi ishtirokchilarining, tovarlarning, ishlarning va xizmatlarning xususiy alomatlarini aks ettiruvchi boshqa vositalarga ega bo'lishga haqli. Davlat tilida to'liq yozilgan hamda joylashgan yeri ko'rsatilgan yumaloq muhrga ega bo'lishga haqli. Muhrda bir vaqtning o'zida firmaning nomi boshqa istalgan tilda ham ko'rsatilishi mumkin.

1.13. O'z faoliyatini amalga oshirish va oldida turgan vazifalarni bajarish uchun jamiyat quyidagilarni amalga oshirishga haqlidir:

- Belgilangan tartibda banklarda turli, shuningdek valyuta hisob raqamlarini ochish, bank kreditlari va ssudalarini olish, amaldagi qonunchilik asosida har qanday to'lov shakllarini berish va aktseptlash, ayirboshlash (valyuta almashtirish) tartibiga asosan vakolatli banklar orqali o'z mablag'larini ayirboshlash;

- O'zining ishlab chiqarish va xo'jalik faoliyatini hamda ijtimoiy rivojlantirish jamg'armalarini mustaqil rejalashtirish;

- O'zbekiston Respublikasining amaldagi qonunchiligi asosida mustaqil ravishda o'z qaramog'i (balansi)dan mol-mulk, qarz, kamomad, foydalanishga yaroqsiz avtotransport vositalari va mexanizmlarni shuningdek boshqa ziyonlarini chiqarish va belgilangan tartibda sotish;

- Jamiyat Ustavi tomonidan belgilangan masalalarni bajarish uchun zarur bo'lgan ishlab chiqarish-texnik yo'nalishdagi mahsulotlar, xom-ashyo, materiallar, transportni sotib olish;

- Kim-oshdi savdolarida, savdo musobaqalarida qatnashish;

1.14. Qonunchilikka muvofiq, o'z xodimlari uchun qo'shimcha ish ta'tillari, qisqartirilgan ish kuni, ish tartibi va boshqa ijtimoiy imtiyozlarni tashkil etishi mumkin.

1.15. Jamiyat aksiyador yoki har qanday manfaatdor shaxsning talabiga binoan belgilangan muddatlarda ularga Jamiyat ustavi, shu jumladan ustavga doir o'zgartishlar va qo'shimchalar bilan tanishib chiqish imkoniyatini berishi shart, jamiyat aksiyadorlarining talabiga binoan Jamiyatning amaldagi Ustavidan nusxa olib berishi shart.

1.16. Jamiyat o'z faoliyatini tijorat asosida amalga oshiradi va Jamiyatning faoliyat maqsadi foyda olishdir. Jamiyatning Aksiyadorlar umumiy yig'ilish (Yagona aksiyadori) va Kuzatuv kengashi tomonidan tasdiqlangan nizomlar asosida ish yuritadi.

1.17. Jamiyat o'z faoliyatini muvofiqlashtirish, o'z manfaatlarini ifoda etish va himoya qilish hamda birgalikdagi dasturlarni amalga oshirish maqsadida uyushmalar (ittifoqlar) va o'zga birlashmalarda qatnashishi mumkin.

1.18. Jamiyat, tijorat operatsiyalarini amalga oshirishga doir qarorlar qabul qilishda mustaqildir.

1.19. Jamiyat o'z majburiyatlari yuzasidan o'ziga tegishli barcha mol-mulk bilan javobgar bo'ladi.

1.20. Aksiyadorlar jamiyatning majburiyatlari yuzasidan javobgar bo'lmaydi va uning faoliyati bilan bog'liq zararlarining o'rnini o'zlariga tegishli aksiyalar qiymati doirasida qoplash tavakkalchiligini o'z zimmasiga oladi.

1.21. Aksiyalarning haqini to'liq to'lamagan aksiyadorlar jamiyatning majburiyatlari yuzasidan o'zlariga tegishli bo'lgan aksiyalar qiymatining to'lanmagan qismi doirasida solidar javobgar bo'ladi.

1.22. Jamiyat o'z aksiyadorlarining majburiyatlari yuzasidan javobgar bo'lmaydi.

1.23. Agar jamiyatning bankrotligi jamiyat uchun majburiy bo'lgan ko'rsatmalar berish huquqiga ega bo'lgan aksiyador sifatida ish yuritayotgan shaxsning g'ayriqonuniy harakatlari tufayli yuzaga kelgan bo'lsa, jamiyatning mol-mulki yetarli bo'lmagan taqdirda, mazkur aksiyadorning zimmasiga jamiyatning majburiyatlari bo'yicha subsidiar javobgarlik yuklatilishi mumkin. Aksiyador majburiy ko'rsatmalar berish huquqiga ushbu ustavda bu huquq nazarda tutilgan taqdirdagina ega bo'ladi.

1.24. Jamiyat uchun majburiy ko'rsatmalar berish huquqiga ega bo'lgan aksiyador jamiyat muayyan harakatni amalga oshirishi oqibatida bankrot bo'lishini oldindan bila turib, ushbu huquqidan jamiyat tomonidan shunday harakat amalga oshirilishi uchun foydalangan taqdirdagina jamiyatning bankrotligi aksiyadorning harakatlari tufayli yuzaga kelgan deb hisoblanadi.

1.25. Davlat va uning organlari jamiyatning majburiyatlari yuzasidan javobgar bo'lmaydi, xuddi shuningdek, jamiyat ham davlat va uning organlarining majburiyatlari yuzasidan javobgar bo'lmaydi.

II. JAMIYAT FAOLIYATINING MAQSADI, ASOSIY YO'NALISHLARI VA FUNKSIYALARI.

2.1. Jamiyat «Issiqlik elektr stansiyalari» AJ tarkibida faoliyat ko'rsatib, elektr va issiqlik energiya ishlab chiqaruvchi bo'lib hisoblanadi.

Jamiyat energetika tizimining berilgan rejimiga muvofiq asosiy fondlardan, ishlab chiqarish quvvatlaridan samarali foydalangan holda, jamiyatning iqtisodiy manfaatlarini hisobga olib, elektr va issiqlik energiyaning yuklama grafigini qoplashda va ishlab chiqarishda ishtirok etadi.

2.2. Jamiyat faoliyatining asosiy vazifalari quyidagilardan iborat:

Eng kam sarflar bilan xalq xo'jaligi va aholining elektr va issiqlik energiyasiga bo'lgan ehtiyojini har tomonlama qondirish bo'yicha elektr stansiyasining asosiy vazifalari bajarilishiga kafolat beruvchi uskunalarning ishonchli ishlashini, binolar, inshootlar va kommunikatsiyalarini soz holatda bo'lishini, jamiyatning iqtisodiy rivojlanishini va o'z jamoasi farovonligining o'sishini ta'minlash.

2.3 Qo'yilgan vazifalarni amalga oshirish uchun jamiyat ilmiy texnik taraqqiyot yutuqlarini joriy qilish negizida va ishlab chiqarish zahiralardan foydalangan holda:

- o'rnatilgan quvvatdan foydalanish samaradorligi oshirilishini, elektr va issiqlik yuklamalarning dispetcherlik grafiklari bajarilishini va berilayotgan energiyaning normal sifatini, elektr tokning chastotasi va kuchlanishini, issiq suv va bug'ning bosimi va haroratini saqlab turishini;

- yangi texnika joriy qilinishini, ishlab chiqarish fondlarining avtomatlashtirilishini va zamonaviylashtirilishini ta'minlaydi;

- yoqilg'i va boshqa resurslar oqilona sarflanganda energetik uskunalarning maksimal tejamli ishlashini ta'minlaydi;

- xo'jalik faoliyati yuritishdan foyda olishni ta'minlaydi.

2.4 «Issiqlik elektr stansiyalari» AJning topshirig'i bilan bajariladigan asosiy ishlab chiqarish vazifalaridan tashqari, jamiyat qo'shimcha foyda olish maqsadida O'zbekiston Respublikasi Qonunchiligi ta'qiqlamaydigan faoliyat turlari bilan shug'ullanish huquqiga ega.

2.5 Litsenziya bo'lishini talab qiladigan faoliyat, jamiyat tomonidan litsenziya olingandan keyin amalga oshiriladi.

2.6 Jamiyat qonunchilikda belgilangan boshqa faoliyat turlarini o'rnatilgan tartibda amalga oshirishi mumkin.

III. JAMIYATNING USTAV KAPITALI, UNI OSHIRISH VA KAMAYTIRISH TARTIBI.

3.1. Jamiyatning ustav fondi (ustav kapitali) nominal qiymati 100 so'm bo'lgan jami 1 224 860 903 dona oddiy aksiyalardan iborat bo'lib, 122 486 090 300 (bir yuz yigirma ikki milliard to'rt yuz sakson olti million to'qson ming uch yuz) so'mni tashkil qiladi.

Jamiyatning ustav kapitalini ko'paytirish

3.2. Jamiyatning ustav fondi (ustav kapitali) qo'shimcha aksiyalarni joylashtirish yo'li bilan ko'paytirilishi mumkin.

3.3. Qo'shimcha aksiyalar Jamiyat tomonidan ushbu ustavda belgilangan e'lon qilingan aksiyalar soni doirasidagina joylashtirilishi mumkin.

3.4. Jamiyat ustav kapitalini oshirish maqsadida joylashtirilgan aksiyalariga qo'shimcha ravishda chiqarishi mumkin bo'lgan e'lon qilingan aksiyalari miqdori nominal qiymati 100 (yuz) so'm bo'lgan 500 000 000 000 (besh yuz milliard) dona oddiy aksiyalardan iborat.

3.5. Qo'shimcha aksiyalarni joylashtirish yo'li bilan Jamiyat ustav kapitalini ko'paytirish to'g'risidagi qarori aksiyadorlar umumiy yig'ilishi tomonidan qabul qilinadi.

3.6. Qo'shimcha aksiyalarni joylashtirish yo'li bilan Jamiyat ustav kapitalini ko'paytirish to'g'risidagi qarori joylashtiriladigan qo'shimcha oddiy aksiyalarning umumiy qiymati, soni, nominal qiymati, joylashtirish tartibi, usuli, muddati, joylashtirish (aksiyalarning birja va uyushgan birjadan tashqari bozoriga chiqarish) narxi, aksiyalar uchun to'lov tartibi, amalga oshmagan deb topish ulushi va amalga oshmagan deb topilgan taqdirda aksiyalar uchun qabul qilingan to'lov vositalarini qaytarish tartibi belgilanadi.

3.7. Qo'shimcha chiqarilgan aksiyalar bozor qiymatida, lekin nominal

qiymatidan kam bo'lmagan qiymatda joylashtiriladi. Jamiyatning ustav kapitali ko'paytirilayotganda jamiyatning qo'shimcha aksiyalariga uning o'z kapitali hisobidan, shuningdek haqini qo'shimcha aksiyalar bilan to'lash to'g'risida qaror qabul qilingan dividendlar hisobidan haq to'langan taqdirda, bunday aksiyalarni joylashtirish jamiyat aksiyalarining nominal qiymati bo'yicha amalga oshiriladi.

3.8. Jamiyatning aksiyalarini va boshqa qimmatli qog'ozlarini joylashtirish chog'ida ularga haq to'lash pul va boshqa to'lov vositalari, mol-mulk, shuningdek pulda ifodalanadigan bahoga ega bo'lgan huquqlar (shu jumladan mulkiy huquqlar) orqali amalga oshiriladi.

Jamiyatning ustav fondini (ustav kapitalini) kamaytirish

3.9. Jamiyatning ustav kapitali aksiyalarning umumiy sonini qisqartirish yo'li bilan, shu jumladan aksiyalarning bir qismini keyinchalik bekor qilgan holda Jamiyat tomonidan aksiyalarni olish yo'li bilan kamaytirilishi mumkin.

3.10. Jamiyatning ustav kapitali kamaytirish to'g'risidagi va Jamiyat ustaviga tegishli o'zgartishlar kiritish haqidagi qarorlar aksiyadorlar umumiy yig'ilishi tomonidan qabul qilinadi.

3.11. Jamiyatning ustav kapitalini kamaytirish to'g'risida qaror qabul qilinayotganda Jamiyat aksiyadorlar umumiy yig'ilishi ustav kapitalini kamaytirish sabablarini ko'rsatadi va uni kamaytirish tartibini belgilaydi.

IV. JAMIYATNING KORPORATIV OBLIGATSIYALARI VA BOSHQA QIMMATLI QOG'OZLARI

4.1. Jamiyat korporativ obligatsiyalarni va boshqa qimmatli qog'ozlarni chiqarishga hamda joylashtirishga haqli.

4.2. Jamiyatning korporativ obligatsiyalari Jamiyat aksiyalariga ayirboshlanadigan qimmatli qog'ozlar bo'lishi mumkin

4.3. Jamiyat mol-mulk bilan ta'minlangan korporativ obligatsiyalarni ularni chiqarish to'g'risida qaror qabul qilish sanasidagi o'z kapitali miqdori doirasida chiqarishga haqli.

4.4. Jamiyat tomonidan korporativ obligatsiyalarni chiqarish, shu jumladan aksiyalarga ayirboshlanadigan korporativ obligatsiyalarni chiqarish Jamiyat kuzatuv kengashining qaroriga ko'ra amalga oshiriladi.

4.5. Jamiyat tomonidan Jamiyat kuzatuv kengashining qaroriga ko'ra aksiyalarga ayirboshlanadigan korporativ obligatsiyalar chiqarilgan taqdirda, mazkur qaror Jamiyat Kuzatuv kengashining barcha a'zolari tomonidan bir ovozdan qabul qilinishi kerak.

V. JAMIYATNING FOYDASINI (ZARARINI) TAQSIMLASH VA DIVIDEND HISOBLASH TARTIBI

5.1. Amaldagi qonunchilikka asosan byudjetga soliqlar va boshqa majburiy to'lovlar to'laganidan so'ng Jamiyat ixtiyorida qoladigan sof foyda, shuningdek o'tgan davrlardagi taqsimlanmagan sof foyda aksiyadorlar umumiy yig'ilishi tomonidan taqsimlanadi.

5.2. Jamiyat zararini qoplash aksiyadorlar umumiy yig'ilishi qarori asosida zahira fondi mablag'lari hisobidan amalga oshiriladi.

5.3. Dividend – foydaning soliqlar va majburiy to'lovlar to'langanidan, qayta investitsiyalash amalga oshirilganidan, jamiyatning rezerv va boshqa fondlariga ajratmalar ajratilganidan va jamiyatning boshqa umumiy ehtiyojlariga ajratmalar ajratilganidan keyin Jamiyat ixtiyorida qoladigan, aksiyadorlar o'rtasida taqsimlanishi kerak bo'lgan qismi.

5.4. Jamiyat moliyaviy yilning birinchi choragi, yarim yilligi, to'qqiz oyi natijalariga ko'ra va (yoki) moliyaviy yil natijalariga ko'ra joylashtirilgan aksiyalar bo'yicha dividendlar to'lash to'g'risida qaror qabul qilishga haqli.

5.5. Jamiyat moliyaviy yilning birinchi choragi, yarim yilligi, to'qqiz oyi natijalariga ko'ra dividendlar to'lash to'g'risida qarori tegishli davr tugagandan keyin uch oy ichida qabul qilinishi mumkin.

5.6. Aksiyalar bo'yicha dividendlar to'lash, dividendning miqdori, uni to'lash shakli va tartibi to'g'risidagi qaror moliyaviy hisobotning ishonchliligi haqida auditorlik xulosasi mavjud bo'lgan taqdirda, moliyaviy hisobot ma'lumotlari asosida Jamiyat kuzatuv kengashi tavsiyasi asosida aksiyadorlar umumiy yig'ilishi tomonidan qabul qilinadi. Dividendlar to'lash to'g'risidagi qarorda dividendlar to'lash boshlanadigan va tugallanadigan sanalar ko'rsatilgan bo'lishi lozim.

5.7. Dividendlar to'lash muddati va tartibi Jamiyat aksiyadorlar umumiy yig'ilishi qarori bilan belgilanadi. Dividendlar to'lash muddati shunday qaror qabul qilingan kundan e'tiboran 60 kundan kech bo'lmasligi lozim.

5.8. Dividendlar miqdorini belgilash (e'lon qilish) to'g'risida qaror qabul qilingan, aksiyadorlar umumiy yig'ilishi (AUY) o'tkazish uchun shakllantirilgan jamiyat aksiyadorlari reestrda qayd etilgan aksiyadorlar, dividend olish huquqiga ega bo'ladi.

5.9. Jamiyat (aksiya egalariga to'lanadigan) dividend miqdorini ulardan undiriladigan soliqlarni inobatga olmagan holda e'lon qiladi.

5.10. Dividendlarni to'lash tartibi va me'yorlari Jamiyat aksiyadorlarining umumiy yig'ilishi (AUY) qarori bilan belgilanadi.

5.11. Jamiyat:

- jamiyat ustav kapitalining hammasi uning ta'sis etilishi chog'ida to'liq to'lab bo'linguniga qadar;
- agar dividendlar to'lanadigan paytda Jamiyatda bankrotlik belgilari mavjud bo'lsa yoki Jamiyatda shunday belgilar dividendlarni to'lash natijasida paydo bo'lsa;
- agar Jamiyat sof aktivlarining qiymati uning ustav kapitali va zaxira fondi summasidan kam bo'lsa, aksiyalar bo'yicha dividendlar to'lash to'g'risida qaror qabul qilishga hamda dividendlar to'lashga haqli emas.

Ushbu moddada ko'rsatilgan holatlar tugatilgach, Jamiyat hisoblangan dividendlarni aksiyadorlarga to'lashi shart.

5.12. Jamiyat dividendlarning miqdorini ulardan undiriladigan soliqlarni inobatga olmagan holda e'lon qiladi. Jamiyat to'lanadigan dividendlar miqdori to'g'risidagi ma'lumotlarni Korporativ axborot yagona portalida va Jamiyatning rasmiy veb-saytida qonun hujjatlarida belgilangan muddatlarda e'lon qiladi.

VI. JAMIYATNING ZAXIRA VA BOSHQA FONDLARINI SHAKLLANTIRISH

6.1. Jamiyat sof foydasi hisobidan:

- Jamiyat ustav kapitalining 15 (o'n besh) foizi miqdorida zaxira fondi;
- Jamiyat kuzatuv kengashi tomonidan aniqlanadigan, Jamiyat faoliyati uchun zarur bo'lgan boshqa fondlarni tuzishga haqli.

6.2. Jamiyat zaxira fondiga Ushbu ustavning 6.1-bandida belgilangan miqdorga yetguniga qadar har yili sof foydadan 5 foiz miqdorida ajratmalar o'tkazadi.

6.3. Boshqa mablag'lar mavjud bo'lmagan taqdirda, Jamiyatning zaxira fondi Jamiyatning zararlarini o'rnini qoplash, Jamiyatning korporativ obligatsiyalarini muomaladan chiqarish, Jamiyatning aksiyalarini qaytarib sotib olish uchun muljallanadi.

6.4. Jamiyatning zaxira fondidan boshqa maqsadlar uchun foydalanish mumkin emas.

6.5. Zaxira fondi to'laligicha yoki qisman sarflanib bo'lgan hollarida, majburiy ajratmalardan tiklanadi.

VII. JAMIYATNING BOSHQARUV ORGANLARI.

7.1. Jamiyatning boshqaruv organlari quyidagilardan iborat:

- Aksiyadorlarning umumiy yig'ilishi;
- Kuzatuv kengashi;
- Ijroiya organi;

Aksiyadorlar umumiy yig'ilishi.

7.2. Aksiyadorlarning umumiy yig'ilishi jamiyatning yuqori boshqaruv organidir.

7.3. Aksiyadorlar umumiy yig'ilishining vakolat doirasiga quyidagilar kiradi:

- Jamiyat ustaviga o'zgartirish va qo'shimchalar kiritish yoki jamiyatning yangi tahrirdagi ustavini tasdiqlash;
- Jamiyatni qayta tashkil etish;
- Jamiyatni tugatish, tugatuvchini (tugatish komissiyasini) tayinlash hamda oraliq va yakuniy tugatish balanslarini tasdiqlash;
- Jamiyat Kuzatuv kengashining soni va tarkibini belgilash, ularning a'zolarini saylash va ularning vakolatlarini muddatidan oldin tugatish. Kuzatuv kengashi a'zolariga mukofot va kompensatsiyalar to'lash;
- E'lon qilingan aksiyalarning eng ko'p miqdorini belgilash;
- Jamiyat ustav kapitalini ko'paytirish va jamiyat ustav kapitalini ko'paytirish bilan bog'liq o'zgartirishlarni jamiyat ustaviga kiritish to'g'risida qaror qabul qilish;
- Jamiyatning ustav kapitalini kamaytirish;
- O'z aksiyalarini qayta sotib olish;
- Jamiyatning tashkiliy tuzilmasini tasdiqlash, ijroiya organini tuzish, Jamiyat ijroiya organi a'zolarini saylash (tayinlash) va uning vakolatlarini muddatidan ilgari tugatish. Shuningdek jamiyat kuzatuv kengashi jamiyatning Ijroiya organi bilan

tuzilgan shartnomani, agar u jamiyat ustavini qo'pol tarzda buzsa yoki uning harakatlari (harakatsizligi) tufayli jamiyatga zarar yetkazilgan bo'lsa, muddatidan ilgari tugatish (bekor qilish);

- Korporativ boshqaruv kodeksi tavsiyalariga roiya etish majburiyatini olish to'g'risida qaror qabul qilish va xabarni oshkor qilish shaklini tasdiqlash;

- Jamiyatning boshqaruv organlari to'g'risidagi, shu jumladan ichki nazorat, dividend siyosati to'g'risidagi, manfaatlar qarama-qarshiligi vaqtida xarakat qilish tartibi to'g'risidagi nizomlarini tasdiqlash;

- Jamiyatning ijroiya organiga to'lanadigan haq va (yoki) kompensatsiyalarni, shuningdek ularning eng yuqori miqdorlarini belgilash;

- Majburiy auditorlik tekshiruvini o'tqazish uchun auditorlik tashkilotini belgilash, uning xizmatlariga to'lanadigan haq miqdori va chegarasini belgilash;

- Har yili mustaqil professional tashkilotlar – maslahatchilarni jalb qilgan holda biznes-jarayonlar va loyihalarning Jamiyatning rivojlanish maqsadlariga muvofiqligi yuzasidan tahlil o'tkazish to'g'risida qaror qabul qilish;

- Jamiyat taftish komissiyasining a'zolarini saylash va ularning vakolatlarini muddatidan ilgari tugatish, shuningdek taftish komissiyasi to'g'risidagi Nizomni tasdiqlash, taftish komissiyasi a'zolariga mukofot va kompensatsiyalar to'lash to'g'risida qaror qabul qilish;

- Jamiyatning yillik hisobotini va yillik biznes-rejasini, shuningdek jamiyat faoliyatining asosiy yo'nalishlari va maqsadidan kelib chiqqan holda jamiyatni o'rta muddatga va uzoq muddatga rivojlantirishning aniq muddatlari belgilangan strategiyasini tasdiqlash;

- Jamiyatning yillik hisobotini tasdiqlash;

- Jamiyatning foydasi va zararlarini taqsimlash;

- Homiylik (xayriya) yoki beg'araz yordam ko'rsatish (olish) tartibi va shartlarini belgilash, ularni amalga oshirish to'g'risida qaror qabul qilish;

- Elektron pochta orqali (elektron raqamli imzo bilan tasdiqlangan holda), shuningdek, o'z vakolatini vakilga berish yo'li bilan ovoz berish yoki umumiy yig'ilishni videokonfereniy-aloqa tarzida o'tkazish tartibini belgilash (tasdiqlash);

- Aksiyadorlarning umumiy yig'ilishida hisobot beruvchi jamiyat boshqaruv va nazorat organlari ma'ruzalari (hisobotlari) shakli va mazmuniga bo'lgan talablarni, aksiyadorlar umumiy yig'ilishi davomiyligini belgilash;

- Jamiyat kuzatuv kengashining va taftish komissiyasining o'z vakolat doirasiga kiradigan masalalar yuzasidan, shu jumladan, jamiyatni boshqarishga doir qonun hujjatlarida belgilangan talablarga rioya etilishi yuzasidan jamiyat kuzatuv kengashining hisobotlarini va taftish komissiyasining hulosalarini eshitish;

- Aksiyadorlar umumiy yig'ilishining reglamentini tasdiqlash;

- Aksiyadorlarni joylashtirish (qimmatli qog'ozlarning birja bozoriga va uyushgan birjadan tashqari bozoriga chiqarish) narxini belgilash;

- Aksiyalarni maydalash va yiriklashtirish;

- Qonunchilikda nazarda tutilgan hollarda yirik bitimlar tuzish haqida qaror qabul qilish;

- Qonunchilikda nazarda tutilgan hollarda Jamiyatning affillangan shaxslari bilan bitimlar tuzish haqida qaror qabul qilish;

- Jamiyatning kundalik xo'jalik faoliyatini yuritish jarayonida tuziladigan bitimlarni aniqlash;
- Dividendlar to'lash haqida qaror qabul qilish, aksiyalarning har bir toifasi va turi bo'yicha dividend miqdori, to'lov shakli va tartibini belgilash;
- Qonunchilikda va mazkur Ustavda ko'zda tutilgan boshqa masalalarni hal etish;

7.4. Agar qabul qilinishi lozim bo'lgan qaror bo'yicha qonunchilikka va ushbu Ustavga muvofiq Jamiyat kuzatuv kengashining tavsiyasi yoki kuzatuv kengashi tomonidan dastlabki tarzda ma'qullanishi lozim bo'lsa, bunday qarorlar Jamiyat aksiyadorlari umumiy yig'ilishi tomonidan shunday tavsiyalar olingandan so'ng yoki dastlabki tarzda ma'qullanganidan so'ng qabul qilinadi.

7.5. Aksiyadorlarning yillik umumiy yig'ilishi moliya yili tugaganidan so'ng keyingi yilning 30 iyun kunidan kechiktirmay o'tkaziladi. Aksiyadorlari umumiy yig'ilishi tomonidan Jamiyat kuzatuv kengashi va taftish komissiyasini saylash to'g'risida, boshqaruv a'zolari bilan tuzilgan shartnomaning muddatini uzaytirish, uni qayta tuzish yoki bekor qilish mumkinligi haqidagi masalalar, shuningdek Jamiyatning yillik hisoboti va boshqa hujjatlari ko'rib chiqiladi va tegishli qarorlar qabul qilinadi.

7.6. Aksiyadorlarning umumiy yig'ilishining vakolat doirasiga kiritilgan masalalar jamiyatning ijroiya organi hal qilish uchun berilishi mumkin emas.

7.7. Aksiyadorlarning umumiy yig'ilishining vakolat doirasiga kiritilgan masalalar Jamiyat kuzatuv kengashi hal qilishi uchun berilishi mumkin emas, qonun hujjatlarida ko'rsatilgan hollar bundan mustasno.

7.8. Aksiyadorlarning umumiy yig'ilishini tashkillashtirish va uning vakolatiga kiritilgan masalalar bo'yicha qarorlar qabul qilish, qonunchilik va Jamiyatning "Aksiyadorlar umumiy yig'ilishi to'g'risida"gi Nizom bilan tartibga solinadi.

7.9. Aksiyador vakili tomonidan aksiyadorlar umumiy yig'ilishida ishtirok etishi va kun tartibidagi masalalar bo'yicha ovoz berish tartibi aksiyadorning o'zi bilan kelishilgan holda amalga oshiriladi.

Jamiyat kuzatuv kengashi

7.10. Jamiyat kuzatuv kengashi Jamiyat faoliyatiga umumiy rahbarlikni amalga oshiradi, amaldagi qonunchilik va Jamiyat ustavi bilan aksiyadorlik umumiy yig'ilishining vakolat doirasiga kiritilgan masalalarni hal etish bundan mustasno.

7.11. Jamiyat kuzatuv kengashining a'zolari aksiyadorlarning umumiy yig'ilishi tomonidan bir yillik muddatga saylanadilar, Jamiyat kuzatuv kengashi a'zolarining soni 5 (besh) kishidan iborat

7.12. Jamiyat kuzatuv kengashining vakolat doirasiga quydagilar kiradi:

- Jamiyat faoliyatining ustuvor yo'nalishlarini belgilash;
- Aksiyadorlik umumiy yig'ilishining kun tartibini tayyorlash va o'tkaziladigan sana, vaqt va joyni belgilash;

- Aksiyadorlik umumiy yig'ilishi o'tkazilishi haqida xabar qilish va yig'ilishda ishtirok etish uchun jamiyat aksiyadorlarining reestrini shakllantirish sanasini belgilash;
- Mol-mulkning bozor qiymatini belgilashni tashkil etish;
- Aksiyalar chiqarish to'g'risidagi qaror va emissiya risolasini tasdiqlash;
- Avval ro'yxatdan o'tqazilgan qimmatli qog'ozlar chiqarishlariga o'zgartirish va qo'shimchalar kiritish to'g'risida qaror qabul qilish;
- Jamiyat tomonidan korporativ obligatsiyalar, shu jumladan aksiyalarga ayirboshlanadigan obligatsiyalar chiqarish to'g'risida qaror qabul qilish;
- Qimmatli qog'ozlarning hosilalarini chiqarish to'g'risida qaror qabul qilish;
- Jamiyatning korporativ obligatsiyalarini qaytarib sotib olish to'g'risida qaror qabul qilish;
- Jamiyat ijroiya organini tuzish, Bosh direktor va ijroiya organi a'zolarini lavozimga tayinlash, ularning vakolatlarini muddatidan oldin tugatish (Bosh direktordan tashqari);
- Jamiyat ichki audit xizmatini tashkil etish va uning xodimlarini tayinlash, shuningdek har chorakda uning hisobotlarini eshitib borish;
- Jamiyat taftish komissiyasi a'zolariga to'lanadigan haq va kompensatsiya miqdori yuzasidan tavsiyalar berish;
- Jamiyat ijroiya organining faoliyatiga daxldor har qanday hujjatlardan erkin foydalanish va Jamiyat kuzatuv kengashi zimmasiga yuklatilgan vazifalarni bajarish uchun bu hujjatlarni ijroiya organidan olish Jamiyat kuzatuv kengashi va uning a'zolari olingan hujjatlardan faqat xizmat maqsadlarida foydalanishi mumkin;
- Dividend miqdori, uni to'lash shakli va tartibi yuzasidan tavsiyalar berish;
- Qonunchilikda nazarda tutilgan hollarda yirik bitimlar tuzish haqida qaror qabul qilish (yirik bitim tuzish masalasi bo'yicha Jamiyat kuzatuv kengashining yakdilligiga erishilmagan taqdirda yirik bitim tuzish to'g'risidagi masala kengashning qaroriga ko'ra aksiyadorlarning umumiy yig'ilishi hal qilish uchun olib chiqilishi mumkin);
- Qonunchilikda nazarda tutilgan hollarda Jamiyatning affillangan shaxslari bilan bitimlar tuzish haqida qaror qabul qilish;
- Jamiyatning tijorat va notijorat tashkilotlardagi ishtiroki bilan bog'liq bitimlarni qonun hujjatlarida belgilangan tartibda tuzish;
- Taftish komissiyasining o'z vakolat doirasiga kiradigan masalalar yuzasidan, shu jumladan Jamiyatni boshqarishga doir qonun hujjatlarida belgilangan talablarga rioya etilishi yuzasidan taftish komissiyasining va ichki audit xizmatining hulosalarini eshitish;
- Jamiyatning ijroiya organiga to'lanadigan haq va (yoki) kompensatsiyalar miqdorlarini belgilash, shuningdek, ko'rsatilgan to'lovlarning chegarasi miqdorini O'zbekiston Respublikasi Vazirlar Mahkamasining 2015 yil 28 iyuldagi 207-sonli qarori bilan tasdiqlangan "Davlat ulushi bo'lgan aksiyadorlik jamiyatlari va boshqa xo'jalik yurituvchi sub'ektlar faoliyati samaradorligini baholash mezonlarini joriy etish to'g'risida"gi qarori bilan belgilangan samaradorlikning muhim ko'rsatkichlariga bog'lagan holda belgilash;

- Jamiyatning kelgusi yilga mo'ljallangan yillik biznes-rejasini hisobot (joriy) yilning 1 dekabrigacha ma'qullash;

- Jamiyatning zaxira fondidan va boshqa fondlaridan foydalanish;

- Qonun hujjatlariga muvofiq boshqa masalalarni hal etish.

7.13. Jamiyat kuzatuv kengashining vakolat doirasiga kiritilgan masalalar Jamiyatning ijroiya organi hal qilishi uchun berilishi mumkin emas.

7.14. Jamiyat kuzatuv kengashining majlislari Jamiyat kuzatuv kengashining raisi tomonidan uning o'z tashabbusiga ko'ra, jamiyat kuzatuv kengashi, taftish komissiyasi a'zosining, Bosh direktor va ichki audit xizmati boshlig'i talabiga ko'ra chaqiriladi.

Jamiyatning 1 foizdan kam bo'lmagan oddiy aksiyalari egalari (agar mavjud bo'lsa) kuzatuv kengashi majlisini chaqirishni talab qilish va kun tartibi yuzasidan taklif kiritish hamda jamiyat kuzatuv kengashi va taftish komissiyasiga (taftishchiligiga) bu organning miqdor tarkibidan oshmaydigan tarzda nomzodlar ko'rsatish huquqiga ega.

7.15. Jamiyat kuzatuv kengashining majlisini o'tkazish uchun kворum Jamiyat kuzatuv kengashi a'zolarining kamida 75 (yetmish besh) foizdan kam bo'lmasligi kerak.

7.16. Jamiyat kuzatuv kengashining majlisida qarorlar, majlisda hozir bo'lganlarning ko'pchilik ovozi bilan qabul qilinadi, mazkur ustavning 7.17-bandida ko'rsatilgan masalalar bundan mustasno. Jamiyat kuzatuv kengashining majlisida masalalar hal etilayotganda Jamiyat kuzatuv kengashining har bir a'zosi bitta ovozga ega bo'ladi.

7.17. Quyidagi masalalar bo'yicha qaror Jamiyat kuzatuv kengashi tomonidan bir ovozdan qabul qilinadi:

- Yirik bitim va affillangan shaxslar bilan bitimlar tuzish to'g'risidagi qarorlar;

- Jamiyat kuzatuv kengashi tomonidan sirdan ovoz berish yo'li bilan (so'rov yo'li bilan) qarorlar qabul qilinganda.

7.18. Jamiyat kuzatuv kengashining bir a'zosi o'z ovozini Jamiyat Kuzatuv kengashining boshqa a'zosiga berishiga yo'l qo'yilmaydi.

7.19. Jamiyat kuzatuv kengashi a'zolarining ovozlari teng bo'lgan taqdirda kuzatuv kengash tomonidan qaror qabul qilishda Jamiyat kuzatuv kengashi raisining ovozi hal qiluvchi ovoz huquqiga ega.

7.20. Jamiyat kuzatuv kengashining majlisida bayonnoma yuritiladi. Jamiyat kuzatuv kengashi majlisining bayonnomasi majlis o'tkazilganidan so'ng o'n kundan kechiktirilmay tuziladi.

7.21. Majlis bayonnomasida quyidagilar ko'rsatiladi:

- Majlis o'tkazilgan sana, vaqt va joy;

- Majlisda hozir bo'lgan shaxslar;

- Majlisning kun tartibi;

- Ovoz berishga qo'yilgan masalalar, ular yuzasidan o'tkazilgan ovoz berish yakunlari;

- Qabul qilingan qarorlar.

7.22. Jamiyat kuzatuv kengashi majlisining bayonnomasi majlisda ishtirok etgan kuzatuv kengashi a'zolari tomonidan imzolanadi, ular majlis bayonnomasi to'g'ri rasmiylashtirilishi uchun javobgar bo'ladi.

7.23. Jamiyat kuzatuv kengashi majlisining bayonnomasi imzolangan kuni Jamiyatning ijroiya organiga ijro etish uchun topshiriladi.

7.24. Agar, Jamiyat kuzatuv kengashining qarorlari qonunchilikka yoki Jamiyat ustaviga zid bo'lsa, bu qarorlar ustidan sudga shikoyat qilinishi mumkin.

7.25. Jamiyat kuzatuv kengashining faoliyat olib borish tartibi O'zbekiston Respublikasining "Aksiyadorlik jamiyatlari va aksiyadorlarning huquqlarini himoya qilish to'g'risida"gi Qonuni, ushbu Ustav va Jamiyatning ichki xujjatlari bilan belgilanadi.

7.26. Jamiyat kuzatuv kengashi vakolatiga kiritilgan masalalar hal qilish uchun Jamiyat ijroiya organiga berilishi mumkin emas.

Jamiyatning ijroiya organi

7.27. Jamiyatning kundalik faoliyatiga rahbarlik Ijroiya organi rahbari – Bosh direktor tomonidan amalga oshiriladi. Jamiyat bosh direktori aksiyadorlar umumiy yig'ilishida bir yillik muddat bilan saylanadi (tayinlanadi, yollanadi). Jamiyat bosh direktori aksiyadorlar umumiy yig'ilishining vakolatlari va Kuzatuv Kengashining mutlaq vakolatlariga kiritilgan masalalardan tashqari barcha masalalarni hal qilish vakolatiga ega.

7.28. Jamiyat bosh direktori Jamiyatning ijro etuvchi organi rahbari hisoblanib, uning kundalik faoliyatini boshqaradi va operativ rahbarlikni O'zbekiston Respublikasi qonunchiligi, Jamiyat Ustavi, Jamiyat Korporativ boshqaruv kodeksi, Aksiyadorlar Umumiy yig'ilishi va Kuzatuv Kengashining qarorlariga muvofiq amalga oshiradi.

7.29. Jamiyat bosh direktori bilan mehnat shartnomasini, Jamiyat nomidan Jamiyat Kuzatuv Kengashining raisi yoki Kuzatuv kengashi vakolat bergan shaxs imzolaydi.

7.30. Jamiyat bosh direktori Aksiyadorlar Umumiy Yig'ilishi (Yagona aksiyador) va Kuzatuv Kengashiga hisobot beradi.

7.31. Jamiyat kuzatuv kengashi a'zolari ijroiya organi a'zolari bo'la olmaydilar.

7.32. Jamiyat ijroiya organi 7 a'zodan iborat bo'lib, Aksiyadorlar Umumiy Yig'ilishi (Yagona aksiyador) va kuzatuv kengashi qarorlari bilan tasdiqdanadilar.

7.33. Jamiyatning ijroiya organi a'zolari elektr energetika sohasida, shu jumladan elektr tarmoqlari tizimini boshqarish sohasida malaka va ko'nikmalariga ega bo'lishi lozim.

7.34. Jamiyat ijroiya organining vakolat doirasiga quyidagilar kiradi:

- Jamiyat aksiyadorlari umumiy yig'ilishining va kuzatuv kengashining vakolatiga kiruvchi masalalardan tashqari, jamiyat faoliyatining barcha masalalarini hal qilish;

- Jamiyat tomonidan mol-mulkni olish yoki uni boshqa shaxsga berish yoxud mol-mulkni boshqa shaxsga berish ehtimoli bilan bog'liq bitim yoki o'zaro bog'langan bir nechta bitimlar bo'yicha qaror qabul qilish, agar boshqa shaxsga berilayotgan yoki olinayotgan mol-mulkning balans qiymati bunday bitimlarni tuzish to'g'risidagi qaror qabul qilinayotganda jamiyat sof aktivlari miqdorining 15 foizigachasini tashkil etsa, aktsiyalarni va boshqa qimmatli qog'ozlarni joylashtirish bilan bog'lik bo'lgan bitimlar bundan mustasno;

• Jamiyat xodimlarining mehnat haqini O'zbekiston Respublikasi Mehnat kodeksi, mehnat haqi to'lashga tegishli qonunchilik va me'yoriy hujjatlar, jamoa shartnomasi (bitimi) va jamiyatda amal qiluvchi boshqa hujjatlarga hamda hodim va ish beruvchi orasida tuzilgan shartnomaga muvofiq, soha ta'rif setkasi asosida belgilash.

7.35. Jamiyat ijroiya organi rahbari – Bosh direktor vakolatlariga quyidagilar kiradi:

- Jamiyat aktsiyadorlari umumiy yig'ilishi va Kuzatuv kengashi tomonidan qabul qilingan qarorlar ijrosini tashkil etish.
- Mazkur Ustav va jamiyatning ijroiya organi to'g'risidagi nizomiga asosan unga berilgan vakolatlar doirasida Jamiyatning ishiga rahbarlik qilish;
- Ishchi va hodimlarga ish haqi va mukofotlar miqdorini belgilash;
- Jamiyat nomidan ishonchnomasiz ish yuritish va uning manfaatlarini himoya qilish;
- Jamiyat nomidan kundalik xo'jalik faoliyatini yuritish jarayonida tuziladigan bitimlar tuzish;
- Xodimlar shartlarini tasdiqlash, xodimlarni (ishchilarni) ishga qabul qilish ular bilan mehnat shartnomalarini tuzish va bekor qilish, ularga nisbatan intizomiy jazo choralarini qo'llash, xodimlar tomonidan mehnat va ijro intizomiga rioya qilinishini ta'minlash;
- Jamiyat nomidan amaldagi qonunchilikka asosan ishonchnomalarni berish;
- Jamiyatning barcha xodimlari tomonidan bajarilishi majburiy bo'lgan buyruq va farmoyishlar chiqarish va ko'rsatmalar berish;
- O'z vakolatlari doirasida Jamiyatning samarali va barqaror ishlashini ta'minlagan holda uning joriy faoliyatiga rahbarlik qilish;
- Jamiyatda buxgalteriya hisobi yuritilishini tashkil etish, shu jumladan e'lon qilish maqsadida Moliyaviy hisobotlar xalqaro standartlariga transformatsiyasini ta'minlash;
- Qonun hujjatlariga muvofiq Jamiyat faoliyatiga doir ma'lumotlarni oshkor qilish;
- Yillik hisobotlar va boshqa moliyaviy hisobotlar tegishli organlarga o'z vaqtida taqdim etilishini, shuningdek aktsiyadorlarga, kreditorlarga va boshqa oluvchilarga yuboriladigan Jamiyat faoliyati to'g'risidagi ma'lumotlar taqdim etilishini ta'minlash;
- Jamiyat arxivi ishini tashkil etish va undagi hujjatlar butligini ta'minlash;
- Amaldagi qonun hujjatlariga hamda Jamiyat ichki hujjatlariga rioya qilish;
- Amaldagi qonun hujjatlari bilan ta'qiqlamagan boshqa vakolatlar ham berilishi mumkin.

7.36. Ijroiya organi o'z a'zolarining ko'pchilik ovozi bilan qarorlar qabul qiladi. Ovozlar teng bo'lgan hollarda Bosh direktorning ovozi hal qiluvchi bo'lib hisoblanadi.

7.37. Ijroiya organi Jamiyatga nisbatan qonunchilik va ushbu ustav tomonidan, shuningdek Jamiyat kuzatuv kengashi tomonidan o'rnatilgan barcha talablarga rioya qilishi shart.

7.38. Ijroiya organi va a'zolarini lavozimlaridan ozod qilish Jamiyat kuzatuv kengashi qarori va (yoki) aksiyadorlar umumiy yig'ilishi qarorlari bilan amalga oshiriladi.

7.39. Jamiyat kuzatuv kengashining a'zolari, jamiyat Bosh direktor va ijroiya organi a'zolari, shuningdek ishonchli boshqaruvchi o'z huquqlarini amalga oshirishda va o'z majburiyatlarini bajarishda jamiyatning manfaatlarini ko'zlab ish tutishi hamda belgilangan tartibda javobgar bo'lishi lozim.

7.40. Agar ijroiya organining bir necha a'zolari javobgar deb topilsa, ular jamiyat oldida solidar javobgar bo'ladi.

7.41. Jamiyatga zarar yetkazilishiga sabab bo'lgan qaror ovoz berishda ishtirok etmaygan yoki ushbu qarorga qarshi ovoz bergan jamiyat boshqaruv a'zolari javobgar bo'lmaydi.

7.42. Jamiyat yoki u joylashtirgan aksiyalarning hammasi bo'lib kamida bir foiziga egalik qiluvchi aksiyador (aktsiyadorlar) jamiyatga yetkazilgan zararlarining o'rnini qoplash to'g'risidagi da'vo bilan jamiyatning kuzatuv kengashi a'zosi, boshqaruv a'zosi, shuningdek ishonchli boshqaruvchi ustidan sudga murojaat qilishga haqli.

7.43. Sud jamiyatning kuzatuv kengashi a'zosini, Bosh direktori yoki ijroiya organi a'zosini jamiyatga mulkiy zarar yetkazganlikda aybdor deb topgan taqdirda, ushbu a'zoning, Bosh direktorning yoki ijroiya organi a'zosining vakolatlari sudning qaroriga ko'ra, ularning xo'jalik jamiyatlarida rahbarlik lavozimini egallashi taqiqlangan holda, bir yildan kam bo'lmagan muddatga tugatilishi mumkin.

7.44. Jamiyatning kuzatuv kengashi a'zosi, Bosh direktori yoki ijroiya organi a'zosi, shuningdek ishonchli boshqaruvchi jamiyatga chalg'ituvchi axborot yoki bila turib yolg'on axborot taqdim etganligi yoxud o'zlari yoki o'z affillangan shaxslari tomonidan foyda (daromad) olish maqsadida yirik bitim tuzishni va (yoki) yirik bitim tuzish va (yoki) affillangan shaxslar bilan bitimlar tuzish to'g'risida qaror qabul qilishni taklif etganligi natijasida yetkazilgan zarar uchun javobgarlikka tortilishi mumkin.

VIII. JAMIYAT FAOLIYATINI NAZORAT QILISH.

Taftish komissiyasi.

8.1. Jamiyatning moliya-xo'jalik faoliyatini nazorat qilish uchun aksiyadorlarning umumiy yig'ilishi taftish komissiyasini bir yil muddatga saylaydi. Jamiyat taftish komissiyasi 3 (uch) kishidan iborat bo'ladi.

8.2. Jamiyat taftish komissiyasi a'zolariga doir malaka talablari aksiyadorlarning umumiy yig'ilishi tomonidan belgilanadi. Ayni bir shaxs Jamiyatning taftish komissiyasi tarkibiga ketma-ket uch martadan ortiq saylanishi mumkin emas.

8.3. Taftish komissiyasi amaldagi qonunchilikka muvofiq aksiyadorlarning navbatdan tashqari umumiy yig'ilishi chaqirilishini talab qilishga haqli.

8.4. Jamiyatning moliya-xo'jalik faoliyatini tekshirish taftish komissiyasining, aksiyadorlar umumiy yig'ilishining, jamiyat kuzatuv kengashining tashabbusiga ko'ra yoki jamiyat ovoz beruvchi aksiyalarining kamida besh foiziga egalik qiluvchi aksiyadorning (aksiyadorlarning) talabiga ko'ra jamiyat kuzatuv kengashini oldindan

xabardor qilish yo'li bilan bir yillik yoki boshqa davr ichidagi faoliyat yakunlari bo'yicha amalga oshiriladi;

8.5 Jamiyatning moliya-xo'jalik faoliyatini tekshirish yakunlariga ko'ra jamiyatning taftish komissiyasi xulosa tuzadi, bu xulosada;

- Jamiyatning hisobotlarida va boshqa moliyaviy hujjatlarida ko'rsatilgan ma'lumotlarning ishonchliligiga baho beradi;

- Buxgalteriya hisobini yuritish va moliyaviy hisobotni taqdim etish tartibi buzilganligi, shuningdek moliya-xo'jalik faoliyati amalga oshirilayotganda qonun hujjatlari buzilganligi faktlari to'g'risidagi axborotni ko'rsatadi;

- Jamiyatda affillangan shaxslar bilan tuzilgan bitimlar yoki yirik bitimlar mavjudligi, shuningdek qonun hujjatlarining va Jamiyat ichki hujjatlarining bunday bitimlarni tuzishga doir talablariga rioya qilinishi to'g'risidagi axborot ko'rsatilishi shart.

8.6. Jamiyat taftish komissiyasining yozma talabiga ko'ra, Jamiyat ijroiya organida mansabni egallab turgan shaxslar Jamiyatning moliya-xo'jalik faoliyati to'g'risidagi xujjatlarni taftish komissiyasiga taqdim etishi shart.

8.7. Jamiyat taftish komissiyasi faoliyatining tartibi aksiyadorlar umumiy yig'ilishi tomonidan tasdiqlanadigan "Jamiyat taftish komissiyasi to'g'risida"gi Nizomda belgilab qo'yiladi.

Ichki audit xizmati.

8.8. Jamiyatda ichki audit xizmati tashkil etiladi. Jamiyat ichki audit xizmati jamiyat Kuzatuv kengashiga hisobdordir. Ichki audit xizmati a'zolarining soni va shaxsiy tarkibi amaldagi qonunchilik bilan belgilangan tartibda tashkil etiladi. Jamiyat ichki audit xizmati faoliyatining tartibi aksiyadorlar umumiy yig'ilishi tomonidan tasdiqlanadigan "Ichki audit xizmati to'g'risida"gi Nizomda belgilab qo'yiladi.

8.9. Jamiyatning ichki audit xizmati jamiyatning ijroiya organi, jamiyat ustaviga va boshqa xujjatlarga rioya etilishini, buxgalteriya hisobida va moliyaviy hisobotlarda ma'lumotlarning to'liq hamda ishonchli tarzda aks ettirilishi ta'minlanishini, xo'jalik operatsiyalarini amalga oshirishning belgilangan qoidalari va tartib-tamoillariga rioya etilishini, aktivlarning saqlanishini, shuningdek Jamiyatni boshqarish yuzasidan qonun hujjatlarida belgilangan talablarga rioya etilishini tekshirish hamda monitoring olib borish orqali jamiyatning ijroiya organi, ishini nazorat qiladi hamda baholaydi.

Shuningdek, Ichki audit xizmati jamiyatdagi ichki nazoratni, shu jumladan, 50 foizdan ziyod ulushi Jamiyatga tegishli bo'lgan yuridik shaxslar bilan o'tkazilgan operatsiyalar ustidan nazoratni amalga oshiradi.

8.10. Quyidagilar ichki audit xizmatining asosiy vazifalari hisoblanadi:

- Jamiyat Kuzatuv kengashini ishonchli axborot bilan ta'minlash va ichki audit amalga oshirilishi natijalari bo'yicha jamiyat faoliyatini takomillashtirishga doir takliflarni tayyorlash;

- Ichki audit jarayonida aniqlanadigan kamchiliklarni bartaraf etish yuzasidan jamiyat boshqaruv organiga tavsiyalarni tezkorlik bilan kiritish, ularning bartaraf etilishini nazorat qilish;

8.11. Quyidagilar ichki audit xizmatining asosiy funksiyalari hisoblanadi:

- Har yili Jamiyat kuzatuv kengashi tomonidan tasdiqlanadigan rejaga muvofiq tekshirishlar o'tkazish yo'li bilan ichki auditni amalga oshirish (har chorakda va hisobot yili yakunlari bo'yicha);

- Tuziladigan xo'jalik shartnomalarining qonun hujjatlariga muvofiqligi yuzasidan ekspretiza o'tkazish;

- Buxgalteriya hisobini yuritishda va moliyaviy hisobotni tuzishda korxonaning tarkibiy bo'linmalariga metodik yordam berish, ularga moliya, soliq, bank qonunlari va boshqa qonun hujjatlari masalalari bo'yicha maslahatlar berish;

- Texnik topshiriqlarni ishlab chiqishda, tashqi auditorlik tashkilotlarining takliflarini baholashda hamda auditorlik tekshirishlarini o'tkazish uchun tashqi auditorlik tashkilotini tanlashda tavsiyalarni tayyorlashda jamiyatning kuzatuvchi kuzatuv kengashiga ko'maklashish;

8.12. Jamiyatning ichki audit xizmati:

- Tasdiqlangan biznes-reja bajarilishini;

- Korporativ boshqarish prinsiplariga rioya qilinishini;

- Buxgalteriya hisobi va moliyaviy hisobning holatini;

- Soliqlar va boshqa majburiy to'lovlar to'g'ri hisoblab chiqilishi va to'lanishini;

- Moliya-xo'jalik faoliyatini amalga oshirishda qonun xujjatlariga rioya etilishini;

- Aktivlarning holatini;

- Ichki nazoratning holatini tekshiradi va ularning monitoringini olib boradi.

8.13. Jamiyatning ichki audit xizmati o'z faoliyatini O'zbekiston Respublikasi Vazirlar Mahkamasi tomonidan belgilanadigan tartibga hamda Jamiyat kuzatuv kengashi tomonidan tasdiqlanadigan nizomga muvofiq amalga oshiradi.

Auditorlik tashkiloti.

8.14. Aksiyadorlarning umumiy yig'ilishi qaroriga asosan jamiyatning moliya-xo'jalik faoliyatini auditorlik tekshiruvidan o'tkazish uchun tanlov asosida auditorlik tashkiloti jalb etiladi.

8.15. Auditorlik tashkiloti jamiyat bilan tuzilgan shartnomaga muvofiq qonun hujjatlarida belgilangan tartibda jamiyat moliya-xo'jalik faoliyatining tekshirilishini amalga oshiradi va auditorlik xulosasini taqdim etadi.

8.16. Auditorlik tashkiloti jamiyatning moliyaviy hisoboti va jamiyat faoliyati bilan bog'liq boshqa axborotlar haqida noto'g'ri xulosasi oqibatida yetkazilgan zarar uchun Jamiyat oldida javobgar bo'ladi.

IX. Yakuniy qoidalar.

9.1. Jamiyat Boshqaruvi o'z vakolatlari doirasida mazkur ustavga kiritiladigan barcha o'zgartirish va qo'shimchalarni yoki Jamiyatning yangi tahrirdagi ustavini O'zbekiston Respublikasining tegishli davlat organida belgilangan tartibda ro'yxatdan o'tkazadi.

9.2. Jamiyat ustaviga kiritilgan o'zgartirishlar va qo'shimchalar yoki jamiyatning yangi tahrirdagi ustavi uchinchi shaxslar uchun ular davlat ro'yxatidan

o'tkazilgan paytdan boshlab, qonunchilikda belgilangan hollarda esa davlat ro'yxatidan o'tkazuvchi organ xabardor etilgan paytdan e'tiboran kuchga kiradi.

9.3. Agar mazkur ustavni biron bir qoidasi o'z kuchini yo'qotgan bo'lsa, bu qoida boshqa qoidalarni to'xtatish uchun sabab bo'lmaydi.

9.4. Agar O'zbekiston Respublikasining qonunchilik xujjatlarida mazkur ustavda nazarda tutilganidan boshqacha qoidalar belgilangan bo'lsa, O'zbekiston Respublikasining amaldagi qonunchilik xujjatlari qoidalari qo'llaniladi.

9.5. Ustav bo'yicha kelib chiqadigan barcha nizo va kelishmovchiliklar aksiyadorlarning o'zaro kelishuvi yo'li bilan amaldagi qonun hujjatlari va ushbu ustavga asosan hal qilinadi. Nizo va kelishmovchiliklarni muzokaralar yo'li bilan hal qilish imkoniyati bo'lmagan taqdirda ular tegishli ravishda sud orqali hal qilinadi.

9.6. Mazkur Ustav va unga kiritilgan o'zgarish va qo'shimchalar qonun xujjatlarida belgilangan tartibda davlat ro'yxatiga olingan vaqtdan boshlab kuchga kiradi.

“Talimarjon IES” AJ
Bosh direktori



J. Pirmanov